

**PROGRAM RADA JAVNE USTANOVE DOM KULTURE
„EDHEM MULABDIĆ“ MAGLAJ ZA 2017. GODINU**

NAZIV JAVNE USTANOVE	Javna ustanova Dom kulture "Edhem Mulabdić" Maglaj
PLANIRANE AKTIVNOSTI U OKVIRU REDOVNE DJELATNOSTI JAVNE USTANOVE	U aktivnostima planiranim za realizaciju tokom 2017.godine je niz sadržaja a cilj nam je zastupanje svih oblika scenskog stvaralaštva (pozorišne predstave, koncerti, festivali, itd.) Filmska djelatnost : U dijelu koji se odnosi na filmsku djelatnost, nastavljamo sa prikazivanjem filmova čim se okonča kompletna građevinska sanacija kino sale. Ovdje ističemo da praksa pokazuje slab interes publike prema filmskoj djelatnosti, što je slučaj u svim BH gradovima. Galerijska djelatnost : Tokom 2017.godine u planu je organizovanje četiri likovne izložbe umjetnika iz Maglaja i drugih gradova BiH. Promocije : Dom kulture će i u 2017.godini nastaviti sa promocijama knjiženih, muzičkih i pozorišnih ostvarenja profesionalaca i amatera, kako iz Maglaja tako i izvan njega. Pozorišne predstave : U 2017.godini planiramo četiri pozorišne predstave, dvije za djecu i dvije za odrasle. Na pozorišnim daskama u Maglaju predstaviti će se, kao i prethodnih godina, profesionalci i amateri iz BiH i susjednih država. Gastro kulturni susreti „Maglaj fest 2017“ : Osma po redu svojevrsna sajamska manifestacija Gastrokulturni susreti „Maglaj fest 2017“ održat će se u nekom od ljetnih mjeseci. I ove godine kao organizator pružit ćemo priliku i dati podršku promociji turističkih potencijala Maglaja ali u prvom planu svakako je mali i srednji biznis, samostalni proizvođači hrane i pića, zanati i dr. Nadamo se da ćemo i ove godine opravdati povjerenje koje nam je ukazano dodjelom još jednog Posebnog priznanja za promociju i razvoj turizma „Zlatna turistička ruža“ 2008. i 2010. godine. Amaterska djelatnost : Posebnu pažnju u dosadašnjem radu, Dom kulture je posvetio približavanju ove Ustanove mladim ljudima. Naši prostori korišteni su za pripremu pozorišnih komada osnovaca i srednjoškolaca. Ovdje naglašavamo da je u tom dijelu ostvarena dobra saradnja sa uposlenicima osnovnih i srednjih škola, što će biti praksa i u ovoj godini. Podsticati mlade da sami stvaraju i pokazuju šta i koliko mogu, najbolji je način da ih sklonimo sa ulice i njihovo slobodno vrijeme upotpunimo na koristan način. Naša podrška u tome neće izostati ni u ovoj godini. Već dugi niz godina uspješno djeluje naša plesna sekcija i aerobik za žene. Obrazovanje odraslih: Dom kulture nastavlja i sa programima u oblasti obrazovanja odraslih. Program se ogleda kroz organizovanje kurseva za koje bude zainteresovanih kadidata. Isti će se organizovati na tržišnom principu. Sportska dvorana : Sportska dvorana, koja je takođe u sastavu Doma kulture će i u 2017.godini biti u funkciji : provođenja plana i programa tjelesnog odgoja za učenike, trenažnog procesa sportskih klubova, prvenstvenih i kup utakmica, organizaciju turnira, rekreaciju građana, te organizacije koncerata i drugih nesportskih sadržaja. Uzeirbegov konak : Uzeirbegov konak je Odlukom Vijeća dat na upotrebu Domu kulture na period od 10 godina. Taj period je u maju 2016.godine završen . Ukoliko se ponovo isti da na upotrebu Domu kulture i obzirom da je Konak doveden u kontekst turističke ponude, nastaviti će rad od 11-13h radnim danima, osim u zimskom periodu jer nije riješeno grijanje. I ove godine ćemo i van tog termina omogućiti kraće posjete i obilaske, kao i organizovanje sadržaja koji su primjereni autentičnosti ovog prostora. Zbog dotrajalosti objekta kao i

	očuvanja od daljeg propadanja neophodna su stalna ulaganja koja Dom kulture zajedno sa općinom Maglaj nastoji obezbijediti kandidovanjem projekata i vlastitim sredstvima shodno našim mogućnostima. Podrum i prizemlje Konaka su stradali u poplavi i još nije izvršena sanacija.
PLANIRANI PROJEKTI	Naziv projekta : „PROLJETNI DANI KULTURE –MAGLAJ 2017“ Cilj projekta: da se maglajskoj publici ponude vrhunski profesionalni kulturni sadržaji iz oblasti: pozorišta, filmske i likovne umjetnosti, književnosti, kao i pjesme, igre i sevdaha. Rezultati projekta: Kvalitetno zadovoljavanje duhovnih potreba kroz prezentaciju različitih kulturnih sadržaja. Raznolikost kulturnih dešavanja i obrazovanje građana na kulturno-umjetničkom planu. Naziv projekta : GASTROKULTURNI SUSRETI „MAGLAJ FEST 2017“ Cilj projekta: promovisanje gastronomske i kulturne ponude Maglaja u svrhu razvoja turizma na našoj općini. Rezultati projekta: međusobno uvezivanje maglajskih privrednika, poljoprivrednika, NVO sektora na općini; afirmacija Maglaja i njegovih vrijednosti; razvoj turizma; medijska prezentacija u cijelom svijetu; dobijena priznanja u rangu najboljih i najbčeh. Naziv projekta : DJEČJI FESTIVAL „MALO LJETO 2017“ Cilj projekta : afirmacija lijepe pjesme i muzike i promicanje muzički talentovane djece Maglaja. Rezultati projekta: U poplavi šunda i muzičkog kiča „Malo ljeto“ približava i njeguje lijepe bosanske pjesme i muziku kod djece. Na samom Festivalu se sklapaju novi mostovi prijateljstva među djecom. U organizaciju Festivala su uključena djeca: od volontera koji su zaduženi za raznorazne obaveze do voditelja samog Festivala. Ovim načinom Dom kulture je približio djeci svoje aktivnosti i sam Festival.
PRIJEDLOZI I MJERE ZA POBOLJŠANJE UVJETA RADA JAVNE USTANOVE	Oblast kulture na nivou Kantona još nije uređena i definisana , ali napravljen je veliki korak usvajanjem Strategije kulturne politike Zeničko-dobojskog kantona za period 2014-2020.godina na skupštini ZDK 08. jula 2014.godine. Zakonska regulativa koja tretira ovu oblast na nivou države nije regulisala statute ovakvih ustanova i stoga su mnoge danas pred stečajem ili su rad svele u minimalne okvire. U većini ovakvih ustanova nagomilani su problemi nedostatka tehničke opreme koja je dotrajala ili uništena, kadra, zaostalih a neizmirenih obaveza, a samim tim i nemogućnosti realnijeg značajnijeg planiranja i ulaganja u projekte koji bi u sadašnje vrijeme davali značajnije rezultate, jer su sredstva uplaćivana za zaostale obaveze, koje su ponekad završavale i sudskim sporovima. Naša Ustanova je uz veliko razumijevanje Osnivača općine Maglaj i uz naše domaćinsko poslovanje i trošenje raspoloživog iznosa sredstava (punih deset godina isplaćivali smo zagarantovane plaće za sve uposlenike), uspjeli prevazići najveći dio neizmirenih obaveza. Ono što bi se u narednom periodu trebalo riješiti jeste da se ova Ustanova postavi na nivo svih drugih ustanova na općini Maglaj.
DRUGI PODATCI ZNAČAJNI ZA JAVNU USTANOVU	Dom kulture „Edhem Mulabdić“ Maglaj je javna ustanova, čiji je osnivač općina Maglaj, koja organizuje programe namjenjene svim starosnim i socijalnim kategorijama stanovništva. Naša misija je razvijanje, unaprjeđenje i podizanje općeg nivoa kulture u lokalnoj sredini, zadovoljavanje kulturnih potreba svih građana, njegovanje multikulturalnosti, stvaranje ambijenta za razvoj alternativnih i avangardnih kulturnih praksi i staralaštva marginalnih grupa. Naša djelatnost se zasniva na uvjerenju da kultura mora biti stvar javne brige i da ona ne može biti prepuštena hirovima tržišta i isključivo privatnoj inicijativi. Za kulturni identitet i kvalitet života u gradu, kao civilizovanoj demokratskoj sredini, neophodno je postojanje institucija koje omogućavaju ispoljavanje kreativnosti građana i pristup kulturnim dobrima. Bitan segment rada Ustanove jeste saradnja sa ostalim ustanovama kulture i organizacijama civilnog sektora u Maglaju i sličnim centrima iz cijele BiH, regiona i šire. Jedinstvenost Doma kulture „Edhem Mulabdić“ Maglaj ogleda se u njegovoj polivalentnosti

	Jedinstvenost Doma kulture „Edhem Mulabdić“ Maglaj ogleda se u njegovoj polivalentnosti i prezenataciji kulturnog stvaralaštva koje nije zastupljeno u drugim ustanovama kulture. Pored toga što nastojimo da prikazemo domete visoke umjetnosti i kulture, mi služimo i kao svojevrsni javni i infrastrukturni servis za kulturno stvaralaštvo običnih ljudi. Ustanova ima sedam stalno zaposlenih radnika, ali tokom godine angažujemo u prosjeku 10 vanjskih saradnika . U sastavu Doma kulture su Sportska dvorana, Kino i Uzeirbegov konak u kojima se odvijaju registrovane djelatnosti Ustanove. Ustanova svake godine realizuje već tradicionalne manifestacije: Proljetni dani kulture, Gastrokulturni susreti "Maglaj fest", Dječiji festival "Malo ljeto". Do 2016. godine smo realizovali Ceremoniju svečanog otvaranja Studentskog ljeta i Međunarodni festival "Studentsko ljeto". Dobar dio programa u Domu kulture nastaje u saradnji i suorganizaciji sa našim partnerima iz javnog, civilnog i privatnog sektora u kulturi. Ustanova služi i kao svojevrsni servis koji svoje resurse stavlja na raspolaganje svim organizacijama i pojedincima koji žele da realizuje svoje programe. Korisnici usluga i programa koje realizujemo su potencijalno svi građani grada Maglaja, kantona i svi gosti i turisti koji posjete naš grad. Programska koncepcija je prilagođena svim starosnim strukturama. Naša publika je vrlo heterogena, a naši korisnici su škole, razna udruženja, amaterska društva, neformalne grupe... Kao prednosti koje naša ustanova posjeduje možemo navesti atraktivnu lokaciju u centru grada pokraj parka, otvorenost za saradnju sa svim akterima na kulturnoj i društvenoj sceni, te jedinstvenost organizacije u programskom smislu na teritoriji grada Maglaja. U svojoj viziji strateškog razvoja JU Dom kulture „Edhem Mulabdić“ Maglaj će nastojati da postane vodeća kulturna institucija u gradu, moderno tehnički opremljena, kadrovski ojačana i deo jedne šire kulturne mreže. U ostavarenju ove vizije očekujemo blisku saradnju sa općinskom upravom koja je naš osnivač, sa svim akterima na lokalnoj kulturnoj sceni, osnovnim i srednjim školama, te društveno odgovornim privrednim subjektima. Strateški pravci delovanja i prioritetni ciljevi Ustanove u narednom periodu su: - podsticaj i afirmacija kulturnog stvaralaštva svih oblika i svih stvaralačkih grupa - kontinuirano djelovanje na stvaranju nove kulturne publike - jačanje kapaciteta kroz kadrovsko unaprjeđenje i tehničko osavremenjivanje - modernizacija rada i jačanje ustanove do višeg nivoa samoodrživosti - funkcionalno, estetsko i bezbjednosno renoviranje zgrade Ustanove - umrežavanje sa sličnim ustanovama na kulturnoj sceni Sredstva za realizaciju programa predviđenih ovim planom, Dom kulture „Edhem Mulabdić“ će nastojati obezbijediti kroz projekte koje kandiduje prema općinskim, kantonalnim i federalnim nivoima vlasti, te institucijama. Od toga uveliko zavisi i realizacija planiranog, jer kulturne djelatnosti ne mogu se organizovati isključivo na tržišnom principu. Ne čudi što je kultura „djelatnost od posebnog interesa“. Uprkos svemu, ova Ustanova će nastaviti rad na afirmaciji Maglaja i njegovih vrijednosti kao i do sada.
--	---

Direktorica
Rašida Muhić



OPĆINA MAGLAJ

**Služba za boračko-invalidsku i socijalnu
zaštitu, opću upravu i društvene
djelatnosti**

Naš znak i broj: I/1-14/17

Maglaj: 17.02.2017.godine

PREDMET: Mišljenje Upravnog odbora- dostavlja se.-

Na 4. redovnoj sjednici održanoj 17.02.2017.godine u prostorijama Doma kulture Upravni odbor Ustanove je pored ostalih tačaka dnevnog reda razmatrao i Izvještaj o radu sa finansijskim pokazateljima za 2016.godinu , kao i Program rada za 2017.godinu.

Što se tiče Izvještaja o radu konstatovano je od strane Upravnog odbora da je isti realna slika postojećeg stanja u ovoj Ustanovi i da se isti jednoglasno usvaja i pohvaljuje zajedno sa direktoricom i svim zaposlenicima Ustanove za naročito domaćinsko poslovanje koje se jasno vidi iz finansijskih podataka. Višak prihoda nad rashodima je bio 9.029,44 KM .

Treba istaći da ova Ustanova posluje pozitivno od kada je imenovano ovo rukovodstvo. Sve ovo govori o istinskom zalaganju zaposlenika ove Ustanove, a i boljem razumijevanju od strane Osnivača kako su sami istakli na sjednici. Uspjeli su dovesti rashode u granice raspoloživih prihoda što je rezultiralo ovakvo stanje.

Izvještaj je jednoglasno usvojen od strane svih članova Upravnog odbora.

Program rada za 2017.godinu je takođe usvojen i ocjenjen kao dosta realan s napomenom da se svi moramo više uključiti u njegovu realizaciju naročito o onim stavkama koje zahtijevaju kompletno finansiranje.

S poštovanjem,

Predsjednica Upravnog odbora

Nafa Hodžić, prof.

